

COMMUNICAZIUN ALLAS MEDIAS
Zürich/Lumbrein, 28 da fenadur 2011

Parc da vent Surselva: Altaventa planisescha la collavuraziun cugl ewz

Ella Surselva duei vegnir construì il pli grond parc da vent dalla Svizra. Ussa ha l'inizianta, l'altaventa ag, anflau cun las ovras electricas da Turitg (ewz) in partenari ideal: Suenter las vacanzas da stad decida il cussegl dil marcau da Turitg davart ina participaziun definitiva al project da vent.

Il project dat niev slontsch alla cuntrada d'energia svizra. La altaventa ag planisescha in parc da vent ella Surselva che producescha tonta energia regenerabla che tunschess per proveder mintga tenercasa privat el Grischun cun energia. Il mument ei il project aunc ella fasa da planisaziun: Cun l'entschatta da construcziun dall'emprema roda da vent, in schinumnuau indrez d'energia da vent, ei da quintar naven digl onn 2012. En tut ein planisai silmeins 40 indrezs. Cun in'altezia sur mar da varga 2400 meters vegn il parc da vent a s'uder tier ils pli aultsituai ell'Europa. Sch'il cussegl dil marcau da Turitg conferma suenter las vacanzas da stad sia participaziun, vegn igl ewz ad esser definitivamein partenari dil parc da vent.

In plaz adattau en treis graus

Dapi igl october 2010 exista in mast per mesirar il vent sin territori dalla vischnaunca da Lumbrein GR. In secund vegn installaus quels gis sin territori dalla vischnaunca da Sursaisa/Obersaxen GR. Las mesiraziuns da tochen ussa conferman ch'il plaz ei adattaus per producir energia alternativa a moda efficienta. „Per il plaz plaيدا sper il vent e la buna contonschibladad era la gronda distanza tier habitadis“, declara Andy Imfeld, il meinafatschenta dalla altaventa ag. Ils proxims resultats concrets quenta ins da survegnir aunc avon l'entschatta digl unviern 2011. Sin fundament da quels vegn concretisau il diember, la prestaziun e la posiziun dils singuls indrezs. Per las provocaziuns dil project da pionier sa l'altaventa ag sebasar sin experientschas cun 30 projects d'indrezs da vent en Svizra ed egl exterior.

Partenadi ferm cugl ewz

Experientschas internaziunalas cun energia da vent ha era igl ewz fatg. L'interpresa posseda tschun parcs da vent cun 30 indrezs d'energia da vent en Tiaratudestga, ella ei participada al parc da vent Hog-Jaeren en Norvegia e planisescha ensemen cun partenaris dus parcs da vent el Giura. „Nus selegrein da saver contribuir nossas enconuschientschas professiunalas e nossas experientschas a quei project da vent pretensius“, declara Bruno Hürlimann, il menader dil sectur „energias regenerablas ed efficienza d'energia“ tier igl ewz. Il niev partenari per il parc da vent en Surselva ei enragischaus fermamein ella regiun. Igl ewz posseda atgnas ovras electricas el Grischun central ed en Bregaglia, el ei participaus ad ovras hydraulicas, el proveda parts dil cantun Grischun cun energia electrica, meina differentas reits da repartiziun ed occupescha varga 100 collavuraturas e collavuratur el Grischun.

Partenadi per la regiun e perspectiva per la Surselva

Purtar valur e plazz da lavur en Surselva ei ina dallas finamiras dil project. Il svilup, la direenziun dallas lavurs ed il menaschi dils indrezs da vent vegnan realisai en stretga

collavuraziun cun la regiun. Quei schazegia era il president communal da Lumbrein, Giusep Casanova: „Regiuns periferas drovan projects progressivs. Nus vulein surtut saver porscher lavur attractiva a nosa glied giuvna.“ Pli tard eis ei previu da realisar ulteriurs partenadis cun las vischnauncas e cun ovras electricas pintgas dalla regiun.

Discuors cun la regiun ed organisaziuns digl ambient

Organisaziuns digl ambient e protegiders dalla cuntrada prefereschon parcs da vent concentrai enstagl singuls indrezs d'energia da vent. Tuttina muntan els in'intervenziun ella cuntrada ch'ins sto prender en cumpra per producir energia cul vent. Perquei eis ei fetg impurtont da risguardar impuls dad experts e basegns da pertuccai. Gia ella fasa da sclariment ha l'altaventa ag introduciu la meisa rodonda per che representants da tut las vischnauncas pertuccadas, corporaziuns d'alp, territoris da skis, organisaziuns digl ambient e representants dalla politica dalla regiun e dil cantun sappien sediscuorer.

*Quella comunicaziun da medias cun maletgs leutier anfleis Vos era sut:
www.altaventa.ch/medien*

Contact altaventa ag

Andy Imfeld, meinafatschenta
a.imfeld@altaventa.ch
+41 79 390 23 42

Contact ewz

Harry Graf, Leiter Corporate Communications
harry.graf@ewz.ch
+41 58 319 49 67